

**KJKP "RAD" d.o.o. SARAJEVO**

**-DIREKTOR-**

**Broj: 05-03-04- /20**

**Sarajevo, 09.01.2020. godine**

Na osnovu člana 70. Zakona o javnim nabavkama ("Službeni glasnik BiH", broj 39/14) i člana 47. Statuta KJKP "RAD" d.o.o. Sarajevo, direktor donosi

## **ODLUKU**

### **o izboru najpovoljnijeg ponuđača za nabavku plastičnih kanti za prikupljanje otpada**

#### **I**

Kao najpovoljnijeg ponuđača za nabavku plastičnih kanti za prikupljanje otpada, odabiram ponudu ponuđača "GRADATIN" d.o.o. Sarajevo

## **OBRAZLOŽENJE**

KJKP "RAD" d.o.o. Sarajevo je dana 12.12.2019. godine na portalu javnih nabavki BiH objavilo Obavještenje o nabavci kroz otvoreni postupak sa objavom obavještenja za izbor najpovoljnijeg ponuđača za nabavku kanti za otpad, sa rokom dostave ponuda do 30.12.2019. godine.

Po otvorenom postupku za nabavku pristigle su tri (3) ponude i to ponude ponuđača „FARO“ d.o.o. Zenica, „T&A AUTO“ d.o.o. Visoko i „GRADATIN“ d.o.o. Sarajevo.

Komisija za nabavku u toku provođenja otvorenog postupka i nakon detaljnog pregleda dostavljene dokumentacije utvrdila je sljedeće:

- Ponuđač „FARO“ d.o.o. Zenica je dostavio garanciju za ozbiljnost ponude u suprotnosti za odredbama Pravilnika o formi garancije za ozbiljnost ponude i izvršenje ugovora („Službeni glasnik BiH“, broj 90/14). Naime, član 3. ovog Pravilnika propisuje način dostavljanja garancije za ozbiljnost ponuda:

„(1) Garancija za ozbiljnost ponude dostavlja se u originalu, u zatvorenoj plastičnoj foliji (koja se npr. na vrhu zatvori naljepnicom na kojoj je stavljen pečat ponuđača ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuđača) i uvezana u cjelinu čini sastavni dio ponude.

(2) Garancija ne smije biti ni na koji način oštećena (bušenjem i sl.) jer probušena ili oštećena garancija se ne može naplatiti.

(3) Ukoliko garancija za ozbiljnost ponude nije dostavljena na propisan način, shodno stavu (1) ovog člana, ugovorni organ je obavezan takvu ponudu odbaciti.“

Obzirom da ponuđač „FARO“ d.o.o. Zenica istu nije dostavio u skladu sa Pravilnikom, a da je Tenderskom dokumentacijom zahtjevano dostavljanje garancije za ozbiljnost ponude, ponuda ovog ponuđača se odbacuje kao nepotpuna.

Cijeneći činjenice koje je Komisija imala u vidu pri odabiru najpovoljnije ponude Komisija je utvrdila rang listu ponuda koje su ocijenjene kao potpune i prihvatljive prema kriteriju objavljenom u tenderskoj dokumentaciji.

Rang lista ponuđača:

1. "GRADATIN" d.o.o. Sarajevo

Cijena (150.000,00 KM)

1. "T&A AUTO" d.o.o. Visoko

Cijena (150.000,00 KM)

Obzirom da se radi o otvorenom postupku nabavke sa objavom obavještenja, cijeneći budžet ugovornog organa određen za nabavku predmeta javne nabavke od strane Komisije utvrđeno je da je zadovoljena stvarna konkurencija i daje preporuku Ugovornom organu da provede E-aukciju dana 08.01.2020. godine, u skladu sa informacijama o procesu E-aukcije datim u Tenderskoj dokumentaciji.

Ugovorni organ je dana 06.01.2020. godine zakazao E-aukciju za dan 08.01.2020. godine. Nakon provedene E-aukcije, utvrđena je konačna rang lista ponuđača a u skladu sa Izvještajem o toku i završetku E-aukcije.

Konačna rang lista ponuđača:

1. "GRADATIN" d.o.o. Sarajevo

Cijena (149.700,00 KM)

2. "T&A AUTO" d.o.o. Visoko

Cijena (149.850,00 KM)

Komisija, u skladu sa istom, obzirom da je kriterij za dodjelu ugovora bio najniža cijena predlaže Ugovornom organu da ponudu ponuđača „GRADATIN“ d.o.o. Sarajevo prihvati kao najpovoljniju, budući da je dostavio svu potrebnu dokumentaciju i ponudio ukupnu cijenu od 149.700,00 KM bez uračunatog PDV-a.

Smatram da je Komisija pravilno postupila kada je uzela u obzir gore navedene kriterije i kada je predložila ponudu gore navedenog ponuđača kao potpuno prihvatljivu. Iz tih razloga prihvatam prijedlog Komisije i donosim odluku kao u dispozitivu.

**PRAVNA POUKA:**

Protiv ove Odluke može se uložiti žalba Ugovornom organu, odnosno KJKP "RAD", u pisanoj formi u roku od 10 dana od dana prijema ove Odluke kada je podnosilac saznao ili je trebao da sazna za navodnu povredu Zakona u toku konkretnog postupka.

**DIREKTOR KJKP „RAD“  
Vera Arnautović, dipl. pravnik**

**DOSTAVITI:**

- Ponuđačima;
- a/a